

ଓଲିପୀୟ ମଣ୍ଡଳୀ ନିକଟକୁ ପାଖଲଙ୍କ ପତ୍ର ପିଲିପି କୁଲମିତାକି ପାଖୁଲ ରାତ୍ନାମାନି ଆକୁ ମୂଲୁ ହାଡ଼ା

ପିଲିପି ଜାସୁ କ୍ରୀସୁ ଜାର୍ନାଆଡ଼ି ୨୧ ବାର୍ଷୀ ତାମ୍ଭୁ ପାଖୁଲ ପିଲିପି କୁଲମିତି ନାମିତି ତାୟିୟାଁ ତାଣା ଆକୁ ରାଡ଼ିମାନେସି □ ପାଖୁଲ ରମ୍ଭତି କାୟିଦିତା ମାଚାଟି ଇ ଆକୁ ରାତା ଡ଼ୟିନେସି୧:୧୩ □ ପିଲିପି ଗାଡ଼ା ବିତା ଆହାମାନି କୁଲମିତାକି ଇ ଆକୁ ରାସ୍‌କି ଆହାମାଚେ □ ମାର ପାଖୁଡ଼ିଆହାମାନି ପଡ଼ିତା ଜିକେଏ ପିଲିପି ଆକୁଡ଼ି କାତା ଇଚାଣି ପୁଞ୍ଜାଲି ଆଡ଼ିନାୟି □ ପିଲିପି ମାକିଦନିୟାତି ରାଜିତି କାଜା ଗାଡ଼ା ମାଚେ □ ଇଦି ମାକିଦନିୟାତା ଆଡ଼ି ମୂଲୁ କୁଲମି ମାଚେ □ ପାଖୁଲ ଅଡ଼େ ସିଲା ଆଖୁଡ଼ି ଆହାନା ଇ କୁଲମି ମାଚୁହା ମାଚେରି □ ଅଡ଼େ ଏମ୍ବାଆଁ ମାଚାଟି ର ଲାଆଁୟାଁ ତାକି କାୟିଦିତା ଇଚ୍‌କି ଆହାମାଚେରି କାମା ୧୬ □

ପାଖୁଲ ଇ ଆକୁ ରାତାଲି ହାଚେରକା କାତା ଡ଼ୟିନେ □ ଏଞ୍ଜାସି କାୟିଦିତା ମାନି କାତା ଖେଞ୍ଜାନା ଲକୁ ଦାନା କୃଡ଼ି କିହାନା ପାଣ୍ଡାମାଚାକି କୁଲମିତି ଜହରା କିହାଲିତାକି ଆକୁ ରାଡ଼ିମାନେସି ୪:୧୦-୧୯ □ ଏଞ୍ଜାସି ତାନି କାୟିଦିତା ମାନି କାତା ଖେସାନା କୁଲମିତା ତିମତି ଅଡ଼େ ଏପାପୁଦିତାଲ୍ ହେରପି ମାନେସି, ନାମିତି ତାୟିୟାଁ ଏନିକ୍ ଏଞ୍ଜାରାଲ୍ ମାନି ତଲେ ଆବିନେରି ଅଡ଼େ ଏଞ୍ଜାରି ନକିକିହା ଅନାଣି କାତା ମାନି କିନେରି୨:୧୯-୩୦ □

ପଡ଼ିତା ମାନାୟି

୧ ପିଲିପି କୁଲମିତି ପାଖୁଲତି ଜହରା □ ୧:୧-୨

୨ ପାଖୁଲତି ମାଣକି ଅଡ଼େ ଏଞ୍ଜାଣି ଅଣ୍‌ପୁ □ ୧:୩-୨:୩୦

୩ ନାମିତି ତାୟିୟାଁ କ୍ରୀସୁ ତାଣା ମାଞ୍ଜା ନୀତାଲି ଖେହ୍‌ନାୟି □ ୩:୧-୪:୯

୪ ପାଞ୍ଚଲ ଦାନା ତାକି ପିଲିପି କୁଲମିତା ଜହରା ଝେହନାୟି □ ୪:୧୦-୨୩

ପାଞ୍ଚଲତି ଜହରା ଅଡ଼େ ପ୍ରାତାନା

^୧ *ପାଞ୍ଚଲ ଅଡ଼େ ତିମତି, କ୍ରୀସ୍ତ ଜୀସୁତି ରୀ ହଲିୟାଙ୍ଗା, ପିଲିପି ଗାଡାତା ମାନି କ୍ରୀସ୍ତ ଜୀସୁ ତାଣା ତ୍ତୟାମାନି ମାହାପୁରୁ ଲକୁ ଅଡ଼େ କୁଲମିତି କାଜାରି, ଇଞ୍ଜା କୁଲମିତି ସେବା କିନାରାକି ଇ ଆକୁ ରାସ୍ତକି ଆହାମାନେ □

^୨ ମା ଆବା ମାହାପୁରୁ ଅଡ଼େ ପ୍ରୁ ଜୀସୁ କ୍ରୀସ୍ତ ତାଣାଟି କାର୍ମାମେହନାୟି ଇଞ୍ଜା ହିଡ଼ି ଜୀସୁ ମିଜେତାକି ଆୟାପେ □

ପାଞ୍ଚଲତି ପ୍ରାତାନା

^୩ ନାନୁ ମିଜେ ଏଚର ଦେବା ଅଣ୍ପି ମାଞ୍ଜାଇଁ, ଏଚର ଦେବା ନା ମାହାପୁରୁଇଁ ଜହରା କିହିମାଇଁ □

^୪ ନାନୁ ବାରେଦିନା ମିଜେତାକି ପ୍ରାତାନା କିନାଟି ନାନୁ ହାରେକା ରାହାତଲେ ପ୍ରାତାନା କିହିମାଇଁ,

^୫ ଏଦାଆଁତାକି ଇତିହିଁ ମୀ ମୂଲୁ ଦିନାଟିଏ ନୀଏଁ ପାତେକା ନେହିଁ କାରୁ ଝେକହାଲି ମୀରୁ ନାଜେ ସାୟେମି କିହିମାଞ୍ଜାଦେରି,

^୬ ଏଦାଆଁତାକି ନାନୁ ଇ କାତାତି ସାତା ଇଞ୍ଜା ଅଣ୍ପିମାଇଁ, ଆମିନି ପ୍ରୁ ମୀ ତାଣା ଇ ନେହିଁ କାମା ମାଟ୍‌ହାମାନେସି, କ୍ରୀସ୍ତ ଜୀସୁତି ଝେଣ୍ଡାଞ୍ଜାନ୍ତି ଦିନା ରାନ୍ତି ପାତେକା ଏଞ୍ଜାସି ଏଦାଆଁ କିନେସି □

^୭ ଅଡ଼େ ମୀ ବାରେତାକି ନା ଇଲେତି ଅଣ୍ପିନାୟି ମାନେ, ମୀରୁ ବାରେ ଏନିକିଁ ନା ତଲେ ନେହିଁ କାରୁ ଝେକନ୍ତି କାୟିଦିତା ଆଣ୍ଡିମାଞ୍ଜାଦେରି, ଅଡ଼େ ଏମ୍ପାତି ସାତା ପାର୍‌ମାଣା ତସାଲି ନା ତଲେ ଆଣ୍ଡାମାଞ୍ଜାଦେରି, ଏଦାଆଁତାକି ନାନୁ ନା ହିୟାତା ମିଜେ ଆବାମାଞ୍ଜାଇଁ □

^୮ ମୀ ବାରେଜାଣା ତାକି ହାରେକା ଜୀସୁ ନନାଣି କ୍ରୀସ୍ତ ଜୀସୁ ତାଣାଟି ବେଟାଆହାମାଇଁ ଇଞ୍ଜା ଏଟିବେଲ୍‌ତା ନାନୁ ଝେହ୍‌ଇଁ, ଏଦି ସାତା, ଏଦାଆଁତାକି ମାହାପୁରୁ ନା ସାକି □

୯ ଅଡ଼େ, ନା ପ୍ରାତୀନା କିନାୟି ଇଦି, ମୀ ଜୀଝୁନନାୟି, ନେହୁଁ
 ବୁଦି ପୁନାୟି, ଅଡ଼େ ବାରେ ନେହୁଁ ଅଣ୍ଟୁ ହାରେ ହାରେକା ପାତା
 ଆପେ,

୧୦ ଏନିକିହୁଁ ମୀରୁ ଏନାୟି ନେହାୟି ଏଦାଆଁ ଆଚାଲି
 ଆଡ଼ିଦେରି, ଆତିହୁଁ ମୀରୁ କ୍ରୀସ୍ତତି ଖାନ୍ତି ଦିନାତା ସୁଦୁ ଗାଟାତେରି
 ଆଦେରି, ଅଡ଼େ ନିନ୍ଦା ଗାଟାତେରି ଆଅଡ଼େରି,

୧୧ ମାହାପୁରୁତି ଗାଝୁରମି ଇଞ୍ଜା ନେହୁଁ ଝେହ୍ନାଣି ତାକି ମୀ
 ଜୀଝୁ ଜୀସୁ କ୍ରୀସ୍ତ ହାହାମାନି ବାରେ ନେହୁଁ ଗୁଣୁ ବେଟାଆନେ □

କ୍ରୀସ୍ତ ତାଣା ନୀତିନାୟି

୧୨ ତାୟି ତାଙ୍ଗିସ୍ତାତେରି, ନାଙ୍ଗେତାକି ଏନା ଏନାୟି
 ଆହାମାଞ୍ଜାନେ, ଏ ବାରେ ନେହୁଁ କାରୁ ପାତାଆହାଲି ତାକି
 ଆହାମାନେ, ଇଦାଆଁ ନାନୁ ମିଙ୍ଗେ ପୁଣ୍ଟି କିହାଲି ଅଣ୍ଟିମାଈ;

୧୩ ✨ଇତିହୁଁ ନାନୁ କାୟିଦିତା ମାତାୟି କ୍ରୀସ୍ତ ତାକି, ଏଦି ରାଜା
 ଇଲୁତା କାଃଆନି ବାରେ କସ୍ତକା ଇଞ୍ଜା ଏଟକାତି ବାରେଜାଣା ନକିତା
 ତଞ୍ଜାଆଡେ;

୧୪ ଅଡ଼େ ଜିକେଏ ହାରେକା ତାୟି ତାଙ୍ଗିସ୍ତା ନାନୁ କାୟିଦିତା
 ମାନାକି, ମାହାପୁରୁ ତାଣା ବାର୍ସୁ ଇଟାନା ଆଜାଆନା ମାହାପୁରୁତି
 କାରୁ ଝେକ୍‌ହାଲି ହାରେକା ସାସା ଗାଟାରି ଆହାମାନେରି □

୧୫ ଆମ୍ବା ଆମ୍ବାଆରି ତାହାରା ଅଡ଼େ ଗଡ଼ହା ତାକି କ୍ରୀସ୍ତତି କାତା
 ଝେକ୍‌ହି ମାନେରି ସାତା, ସାମା ଆମ୍ବା ଆମ୍ବାଆରି ସାତା ତଲେ
 କିହିମାନେରି;

୧୬ ନାଙ୍ଗେ ନେହୁଁ କାରୁତି ସାକି ଆହାଲିତାକି ମାହାପୁରୁ
 ଆଚାମାଞ୍ଜାତେସି, ଏଦାଆଁ ପୁଞ୍ଜାନା ସାତା ଜୀଝୁ ନନାଣି ତାକି ଏଦାଆଁ
 କିନେରି,

୧୭ ଏଟକାତାରି ମାନି ତଲେ କ୍ରୀସ୍ତତି ବଲୁ ଝେହ୍ନାଆନା ଜାହାରା
 ଲାବା ତାକି କିହିମାନେରି □ ନାନୁ କାୟିଦିତା ମାନାଟି ନା ହିୟାତା
 ହାରେକା କସ୍ତ ହାହାଲି ଏଞ୍ଜାରି ଏଦାଆଁ କିହିମାନେରି □

୧୮ ବାଦା ହିଲେଏ ? ତାହାରା ତଲେ ଆପେ କି ନେହେଁ ତଲେ ଆପେ କ୍ରୀସ୍ତ ସାତେଏ ଝେଙ୍ଗିମାନେସି, ଏଦାଆଁତାକି ନାନୁ ରାହାଁ କିହିମାଇଁ, ଅଡ଼େ ଜିକେଏ ରାହାଁ କିହେମାଇଁ □

୧୯ ଇତିହିଁ ନାନୁ ପୁଞ୍ଜାମାଇଁ, ମୀ ପ୍ରାତାନା ଇଞ୍ଜା ଜୀସୁ କ୍ରୀସ୍ତତି ସୁଦୁଜୀଞ୍ଜୁତି ସାୟେମି ତଲେ ନା ଗେଲପିନାୟି ଆନେ,

୨୦ ଏଦାଆଁତାକି ନା ରଣ୍ଡିଏ ଆସା ଅଡ଼େ ବାର୍ସୁ ମାନେ, ନାନୁ ଏନି କାତାତା ଜିକେଏ ଲାଜା ଆଅଁ, ସାମା କାଲେଏ ଏନିକି ଆହିମାଚେସଁ, ନୀସଁ ଜିକେଏ ଏଲେକିଁ ହାରେକା ବାଡ଼ୟୁ ତଲେ ହାଡ଼ିହିଁ କି ଜୀଞ୍ଜୁ ମାଚିହିଁ, କ୍ରୀସ୍ତଇଁ ନା ଆଜ୍ଞା ତଲେ ଗାଞ୍ଜୁରମି କିଇଁ □

୨୧ ଇତିହିଁ ନା ନୀତାମାନାୟି ଝାରଇ କ୍ରୀସ୍ତ, ଏଦାଆଁତାକି ନାନୁ ହାନାୟି ନାଜେତାକି ଲାବା □

୨୨ ସାମା ନାନୁ ଆଜ୍ଞା ତଲେ ନୀତା ମାଞ୍ଜାନା ହାରେକା ପାଡ଼େୟି ଆୟାଲି ଆଡ଼ିଇଁ, ଆତିହିଁ ନୀତାମାନାଣି କି ହାନାଣି ବାଚି କିଇଁ ନାନୁ ପୁଞ୍ଜାଲି ଆଡ଼ିହିଲଅଁ □

୨୩ ନାନୁ ରୀ ଝାକି ରେସ୍‌କି ଆହିମାଇଁ; ଇ ଜୀଞ୍ଜୁତି ପିସାନା କ୍ରୀସ୍ତ ତଲେ ମାଞ୍ଜାଲି ଅଣ୍ଡିମାଇଁ, ଏନି ହାରେକା ନେହାୟି;

୨୪ ସାମା ନାନୁ ଆଜ୍ଞା ତଲେ ମାନାୟି ମିଜେତାକି ହାରେକା ଲଡ଼ାମାନେ □

୨୫ ନାନୁ ନେହିଁକିଁ ପୁଞ୍ଜାମାଇଁ, ନାନୁ ଡ଼ୟିଇଁ, ହାଅ ମୀ ନାମୁ ଅଡ଼େ ରାହାଁତି ପାଡ଼ିକିହାଲି ମୀ ବାରେ ତଲେ ଡ଼ୟିଇଁ,

୨୬ ଏନିକିଁ ମୀ ବିତ୍ରା ନା ଝେଣ୍ଡା ଝାଡ଼ାକି ନା ତାଣାଟି କ୍ରୀସ୍ତ ଜୀସୁ ତାଣା ମୀ ବଡ଼ପଣ ଗାଡ଼ିଆନେ □

୨୭ ନା ଅଣ୍ଡପୁ ଇଦି, କ୍ରୀସ୍ତତି ନେହିଁ କାରୁତି ଜଗେତି ଲକୁ ଲେହେଁ ନୀତାଦୁ, ଏନିକିଁ ନାନୁ ମୀ ତାଣା ଝାହାନା କି ହେକ ମାଞ୍ଜାନା ମୀ କାତା ଝେଞ୍ଜାହାଁ ପୁଞ୍ଜାଲି ଆଡ଼ିଇଁ, ମୀରୁ ବାରେତେରି ରଣ୍ଡିଏ ଜୀଞ୍ଜୁ ରଣ୍ଡିଏ ଅଣ୍ଡପୁ ତଲେ ତୀରିଆହାନା ନେହିଁ କାରୁତି ନାମୁ ତାକି ଜୁଜୁ କିହିମାଞ୍ଜେରି,

୨୮ ଇଞ୍ଜା ମିଜେ କସ୍ତ ନିନ୍ଦା ହାହିମାଞ୍ଜାନି ସାଡ଼ୁୟାଇଁ ଏଚେଲାଝା ଆଜାଆଦୁ; ଏଦି ଏଝାରି ନାସା ଆନାୟି, ସାମା ମିଜେତାକି

ଗେଲ୍‌ପିନାୟି ମାହାପୁରୁ ହୀହାମାନି ର ସିନା;

^{୨୯} ଇଚିହିଁ କ୍ରୀସ୍ତ ତାଣା ଖାରଇ ନାମାଲି ତାକି ମୀରୁ ପାରୁ ମେଡ଼ା
ଆହାମାଞ୍ଜେରି, ଏଡ଼ି ଆଏ, ସାମା ଏଝାଣି ତାକି ଦୁକୁ ବେଟାଆହାଲି
ଜିକେଏ କାର୍ମା ମେଡ଼ା ଆହାମାଞ୍ଜାନେ;

^{୩୦} ✨ ଅଡ଼େ ନାନୁ ଏନିକିଁ ଦୁକୁ କିହିମାଚାଣି ମେସାମାଞ୍ଜାଡେରି,
ଇଞ୍ଜା ନୀସୁଁ ଜିକେଏ କିହିମାନେସି ଇଞ୍ଜାଁ ଖେଞ୍ଜିମାଞ୍ଜେରି,
ଏଲେକିହିଁ ମୀରୁ ଜିକେଏ ଦୁକୁ କିଦୁ □

୨

କ୍ରୀସ୍ତ ଫାଣ୍ଟି ଅଡ଼େ କାଜାପାଣା

^୧ କ୍ରୀସ୍ତ ତଲେ ମାନାକି ମୀରୁ ଜୀଝୁତା ବାସୁଁ ବେଟାଆହାମାଞ୍ଜେରି,
ଅଡ଼େ ତାନି ଜୀଝୁନନାୟି ମିଙ୍ଗେ ସାସା ହୀହିମାଞ୍ଜାନେ □ ମୀରୁ
ସୁଦୁଜୀଝୁତା ଆଣ୍ଟିମାଞ୍ଜେରି ପୁଞ୍ଜିମାଞ୍ଜେରି ଅଡ଼େ ରଅଡେରି ରଅଣାକି
ମୀ ଜୀଝୁନନାୟି ଅଡ଼େ କାର୍ମାମେହନାୟି ମାନେ,

^୨ ନାନୁ ମିଙ୍ଗେ ବାଡ଼ିମାଲିମାଞ୍ଜାଲ୍ ମୀରୁ ରଣ୍ଟିଏ ଅଣ୍ଟୁ ତଲେ,
ରଣ୍ଟିଏ ଜୀଝୁ ନନାଣି ତଲେ, ରଣ୍ଟିଏ ହିୟାଁ, ରଣ୍ଟିଏ ଅଣ୍ଟୁ ଆହାନା
ନାଙ୍ଗେ ରାହାଁ କିୟାଦୁ,

^୩ ମୀରୁ ମିଙ୍ଗେତାକି ନେହାଁଣି ଜୁପକା ଇଞ୍ଜାଁ ହାରେକା ବଡପଣ
ତସାଲି ଏନାଆଁ କିଆଦୁ, ସାମା ସୁଦୁ ହିୟାଁ ଗାଟାଡେରି ଆହାନା
ଏଟକା ଲକୁଇଁ ନା କିହାଁ କାଜାସି ଇଞ୍ଜାଁ ଅଣ୍ଟପାଦୁ;

^୪ ମୀରୁ ବାରେଡେରି ଖାରଇ ମିଙ୍ଗେତାକି ନେହାଁ ଆନାଣି
ଅଣ୍ଟପାଆନା ଏଟକା ଲକୁତି ନେହାଁଣି ଜିକେଏ ଅଣ୍ଟପାଦୁ □

^୫ କ୍ରୀସ୍ତ ଜୀସୁତି ଏନିଲେହେଁତି ଅଣ୍ଟପୁ ମାଚେ ମୀ ଅଣ୍ଟପୁ ଜିକେଏ
ଏଲେତାୟିଏ ଆପେ;

^୬ ଏଝାସି ମାହାପୁରୁ ଆଡ଼ିହିଁ ଜିକେଏ,

ମାହାପୁରୁ ତଲେ ସମାନା ଆହାଁ ମାଞ୍ଜାଲି ଅଣ୍ଟପାଆନା ତାନି
ଏ ଅଦିକାରା ପିସ୍ତେସି,

^୭ ସାମା ଏଝାସି ମାଣ୍ଟିସି ଖାଣା ଆହାନା ହରେଲଏସି ଲେହେଁ ଆଡ଼େସି
□

- ମାଣ୍ଠିଲେହେଁ ଆହାନା ମାଣ୍ଠି ଖାଣା ତଲେ ତଞ୍ଜାଆଡେସି;
 ୮ ଏଞ୍ଜାସି ମାଣ୍ଠିଲେହେଁ ତଞ୍ଜାଆହାନା ହାନି ପାଡେକା, ହାଅ, ପାସି
 ମୁଣ୍ଡାତା ଲେପିଆହାଁ ହାନି ପାଡେକା
 ହୁକୁମି ମାନୁଞ୍ଜି ଆଡେସି ଇଞ୍ଜା ତାନୁଏ ତାଙ୍ଗେ ଉଣା କିହା
 କଡିଡେସି □
- ୯ ଏଦାଆଁତାକି ମାହାପୁରୁ ଏଞ୍ଜାଣାଈଁ ବାରେକିହାଁ କାଜାସି
 କିହାମାନେସି,
 ଇଞ୍ଜା ବାରେ ଦରକା କିହାଁ କାଜା ଦରୁ ଏଞ୍ଜାଣାକି
 ହାହାମାନେସି,
- ୧୦ ଏନିକିଁ ଲାକପୁରୁ ଅଡେ ଦାରତିତା ଅଡେ ଦାରତିତି ଡଢ
 ମାନାଇ;
 ଏ ବାରେ ଜୀସୁ ଦରୁତା ମେଣ୍ଡାକୁତାନା ଜହରା କିନ୍ତୁ,
- ୧୧ ଅଡେ ଆବା ମାହାପୁରୁତି ଗାଞ୍ଜୁରମି ତାକି ବାରେଜାଣା ତାମି ଗୁତି
 ତଲେ ଜୀସୁ କ୍ରୀସ୍ତ ପ୍ରବୁ ଇଞ୍ଜିଁ ଜଲିନେରି □

ଦାରତିତା ଉଜେଡି ଲେହେଁ ଡଞ୍ଜାଦୁ

- ୧୨ ନା ଜୀଞ୍ଜୁତି ତରେସିଙ୍ଗା, ମୀରୁ ବାରେବେଲା ନାଙ୍ଗେ ମାନୁଞ୍ଜି
 ଆହିମାଞ୍ଜାଦେରି, ଇତିହଁ ନା ନକିତା କିନିଲେହେଁ ଆଏ, ସାମା
 ନୀଏଁ ନା ହିଲାଆ ବେଲାତା ହାରେକା ଆଜିତଲେ ତୀରୁଗିହଁ ମୀରୁ
 ଗେଲ୍ପି ଆହାଲି ତାଲି କାମା କିନ୍ତୁ
- ୧୩ ଇତିହଁ ମିଙ୍ଗେ ତାନି କାମା କିହାଲିତାକି ଇତା ଅଡେ
 ବାଡୁନ୍ତୁ କିହାଲିତାକି ମାହାପୁରୁ ତାନୁଏ ମୀ ତାଣା କାଲେଏ କାମା
 କିହିମାନେସି □
- ୧୪ ମୁରୁ ମୁରୁ ଅଡେ ବାଦିବାଦା ଆଆନା ମୀ ବାରେ କାମା କିନ୍ତୁ,
- ୧୫ ଏଲେକିତିହଁ ମୀରୁ ଦହ୍ ହିଲାଆଗାଟାତେରି ଅଡେ ସୁଦୁ
 ଗାଟାତେରି ଆହାନା, ଈ ଲାଗେଏତାଣି ତଲେ ନାଡିକିନି ଲକୁ ବିତ୍ରା
 ମାହାପୁରୁତି ଦହ୍ ହିଲାଆଗାଟି ମୀରକା ମାସ୍‌କାତେରି ଆଡେରି;
 ଏଞ୍ଜାରିତାଣା ମୀରୁ ଜୀଞ୍ଜୁତି ବଲୁ ଆସାନା ଦାରତିତି ଉଜେଡି ଲେହେଁ
 ମୀରୁ ତଞ୍ଜା ଆହିମାଞ୍ଜେରି;

୧୭ ଏମ୍ବାଟି ନାନୁ ଉଦ୍ଦେଏ ହଟି ହିଲଅଁ କି ଉଦ୍ଦେଏ କାମା କିହିହିଲଅଁ, ଏ ବାରେତାକି କ୍ରୀସ୍ତତି ଦିନାତା ବତପଣ କିହାଲି ଆଡ଼ିକ୍
 □

୧୭ ନା ନେତେରି ମୀ ନାମୁ ତାକି ସେବାତା ଗସାଲି ପୂଜା ହୀନି ନେତେରିଲେହେଁ ଡ଼ାଞ୍ଜାଲି ଆହିମାନେ, ଆତିହିଁ ନାନୁ ରାହାଁ ଆହିମାକ୍, ଅଡ଼େ ମୀ ତଲେ ଆଣ୍ଟାନା ରାହାଁ କିହିମାକ୍,

୧୮ ଅଡ଼େ ଏଲେକିହିଁ ମୀରୁ ରାହାଁ କିଦୁ ଇଞ୍ଜା ନା ତଲେ ରାହାଁ କିଦୁ □

ତିମତି ଅଡ଼େ ଏପାପୁଦିତ

୧୯ ସାମା ନାନୁ ତିମତିକ୍ ତବେ ପାଣ୍ଟାକ୍ ଇଞ୍ଜିଁ ପ୍ରବୁ ଜୀସୁ ତାଣା ଆସା କିହାମାକ୍, ଏନିକ୍ ମୀ କାତା ଝେଞ୍ଜାନା ନାନୁ ଜିକେଏ ରାହାଁ ଆକ୍ □

୨୦ ଏଞ୍ଜାସି ରଅସିଏ ନା ଲେହେଁତି ଅଣ୍ଟପୁ ଗାଟାସି ଇଞ୍ଜା ଏଞ୍ଜାସି ସାତେଏ ମିଙ୍ଗେତାକି ଅଣ୍ଟପି ମାଞ୍ଜାନେସି □

୨୧ ଇତିହିଁ ବାରେଜାଣା ଜୀସୁ କ୍ରୀସ୍ତତି ସେବା କିହାଲି ଅଣ୍ଟପାଆନା, ଖାରଇ ତାମି ନେହାଁଣି ପାରାଲି ଅଣ୍ଟପିନେରି □

୨୨ ତିମତି ତାୟିପାରି କିନିତାଣା ଜୀଣା ଆହାମାନାସି ଏଦାଆଁ ମୀରୁ ପୁଞ୍ଜାମାଞ୍ଜେରି; ମୀରଏସି ଆବାତି ସେବା କିନିଲେହେଁ, ଏଞ୍ଜାସି ନେହିଁ କାରୁ ଝେକ୍ନି କାମାତା ନା ତଲେ ସେବା କିହାମାତେସି □

୨୩ ଇତିହିଁ ନାଙ୍ଗେତାକି ଏନାୟି ଆନେ, ଏଦାଆଁ ପୁଟିସାରେ ଏଞ୍ଜାଣାକ୍ ମୀ ତାଣା ପାଣ୍ଟାକ୍ ଇଞ୍ଜିଁ ଆସା କିହିମାକ୍;

୨୪ ପ୍ରବୁ ତାଣା ବାର୍ସୁ କିହିମାକ୍ ନାନୁ ଜିକେଏ ମୀ ତାଣା ତବେ ଖାକ୍ □

୨୫ ସାମା ନାନୁ ନା ତାୟି, ନା ତଲେ କାମାକିନାସି, ନା ଖାକିତି ଜୁଜୁ କିନାସି, ଇଞ୍ଜା ନା ଲଡ଼ାମାନାଣି ସାରେୟି କିହାଲି ମୀ ତାଣାଟି ପାଣ୍ଡିଆହାମାନି ସେବାକିନି ଏପାପୁଦିତାକ୍ ମୀ ତାଣା ପାଣ୍ଟାଲି ଅଣ୍ଟପିମାକ୍;

୨୬ ଇତିହିଁ ଏଞ୍ଜାସି ବାରେତେରି ମିଙ୍ଗେ ମେସାଲି ହାରେକା ଅଣ୍ଟପିମାନେସି, ଅଡ଼େ ଏଞ୍ଜାସି ଆଡ଼ିହିଲଅସି ଇଞ୍ଜିଁ ଝେଟାକି ହାରେକା କିଲିବିଲି ଆହିମାନେସି;

୨୭ ହାଅ, ଏଝାସି ହାନ୍ତିଲେହେଁ ଆହାମାତେସି, ସାମା ମାହାପୁରୁ ଏଝାଣାଇଁ କାର୍ମା ମେସ୍ତେସି, ଏଝାଣାଇଁଦେହେଁ ଆଏ ସାମା ଏନ୍ତିକ ନାଙ୍ଗେ ଦୁକୁ ଲାକ ଦୁକୁ ଝାଏ ଏଦାଆଁତାକି ନାଙ୍ଗେ ଜିକେଏ କାର୍ମା ଆୟାତେସି □

୨୮ ଏଦାଆଁତାକି ମୀରୁ ଏଝାଣାଇଁ ଝେଣ୍ଡେ ମେସାନା ରାହଁ ଆଦେରି ଇଞ୍ଜା ନା ଦୁକୁ ଏନ୍ତିକ ଉଣା ଆନେ, ଏଦାଆଁତାକି ନାନୁ ଏଝାଣାଇଁ ପାଣ୍ଡାଲି ହାରେକା ଜାବୁନୁ ଆଡେସି □

୨୯ ଏଦାଆଁତାକି ମୀରୁ ଏଝାଣାଇଁ ପ୍ରବୁତି ଦରୁତଲେ ହାରେକା ରାହଁତଲେ ଆବାଦୁ, ଇଞ୍ଜା ଇଲେତି ଗୁଣ୍ଡୁଗାଟି ଲକୁଣି ମାନି କିଦୁ;

୩୦ ଏଦାଆଁତାକି ଇତିହ ମୀରୁ ନାଙ୍ଗେ ଏମିନି ସାୟେମି କିହାଲି ଆଡାଆତାଣି, ଏଦାଆଁ କିହାଲି ଏଝାସି କ୍ରୀସ୍ତ ଜୀମାତା ତାନି ଜୀସ୍ତୁତି ବାଦା ହାହାନା ହାନ୍ତିଲେହେଁ ଆହାମାତେସି □

୩

ସାତା ତାରିଗାଟାୟି

୧ ନା ତାୟି ଅଡେ ତାଙ୍ଗିସ୍ତାତେରି, ବାରେତି ତାୟୁ ପ୍ରୁ ତାଣା ରାହଁ କିଦୁ, ରଲେଏତି କାତା ଅଲେ ଅଲେ ରାଚାଲି ନାଙ୍ଗେତାକି ଝାହୁ ହରିମାଞ୍ଜେଏ, ସାମା ଏ ବାରେ ମୀ ନେହେଁତାକି ଲଡ଼ାମାନେ □

୨ ଲାଗେଏ ପଲେଏ କାମାକିନାରି ତାଣାଟି, ନେସ୍କାଟି ଜାଗ୍ରାତା, ଏ ତଲୁ ଦାଃଆନାରି ତାଣାଟି ଜାଗ୍ରାତା;

୩ ଏଦାଆଁତାକି ଇତିହ ମାର ସାତେଏ ତଲୁ ଦାପି ଆହାମାନାତାୟି, ଇତିହ ମାର ସୁଦୁଜୀସ୍ତୁତି ସାୟେମି ବେଟାଆହାନା ମାହାପୁରୁଇଁ ସେବା କିହିମାନାୟି, ଇଞ୍ଜା ଆଙ୍ଗାତି ଲଡ଼ା ଆନି ମେରା ବାର୍ସୁ କିଆନା କ୍ରୀସ୍ତ ଜୀସ୍ତୁ ତାଣା ବଡପଣ ଆନ □

୪ ନାନୁ ଆଙ୍ଗାତି ପାଣାପାରୁତା ଜିକେଏ ବାର୍ସୁ ଇଟାଲି ଆଡିତେସିମା; ଅଡେ ଆମ୍ବାଆସି ଆଙ୍ଗାତି ମେରାତା ବାର୍ସୁ ଇଟାଲି ଆଡିତେସିମା ଇଞ୍ଜ ଅଣ୍ପିନେସି, ଆଡିହ ନାନୁ ଏଝାଣି ଆଗାଡା ଆଡିଇ;

୫ ✨ନାନୁ ଜାର୍ନା ଆହ୍ନା ଆଚାଦିନା ଆହାଲିଏ ତଲୁ ଦାପି ଆଡାତେଏ, ଇଞ୍ଜା ଇସ୍ରାୟେଲ ଲକୁତି ବିନ୍ୟାମିନ୍ କୁଡାତା ଜାର୍ନା ଆଡାତେଏ, ମା ଆକୁ ଆବାୟା ର ଏବିୟ ଲକୁ ମାରେରି, ମେରା ମାନୁଞ୍ଜି ଆନି ତାଣାଟି ନାନୁ ର ପାରୁସି ଲକୁତେଏ,

୬ ✨ହାରେକା ରାହାତଲେ ନାନୁ କ୍ରୀସ୍ତାନା କୁଲମିତି ସାସ୍ତି ହୀନାତେଏ, ଇଞ୍ଜା ମସାତି ମେରାତି ଦାମୁତା ନାନୁ ଦହ ହିଲାଆଗାଟତେଏ ତଞ୍ଜା ଆହିମାଚେଏ □

୭ ସାମା ଏନାୟି ନାଞ୍ଜେତାକି ଲାବା ମାରେ, ଏ ବାରେତି ନାନୁ କ୍ରୀସ୍ତତି କସମି ଉଜେଏତାୟି ଇଞ୍ଜା ଅଶ୍ୱାମାଲ୍ □

୮ ନାନୁ ନା ପ୍ରବୁ ଜୀସୁ କ୍ରୀସ୍ତତି ବୁଦି ହାରେକା ଦାରାଗାଟାୟି ଇଞ୍ଜା ପୁଞ୍ଜାନା ଏଟକାତାଣି ଉଜେଏତାୟି ଇଞ୍ଜା ପିସାତୁସ୍ତେଏ; ଏଞ୍ଜା କସମି ବାରେ ହିଲାଆଗାଟାଣି ଅରହିତେଏ ଅଡେ ଏ ବାରେ ତୁକ୍ ଗମ୍ବୁ ଲେହେଁ ଆଡେଏ, ଏନିକ୍ ନାନୁ କ୍ରୀସ୍ତଲ୍ ମେଡାଆଲ୍, ଇଞ୍ଜା ତାନି ଲକୁ ଇଞ୍ଜା ତଞ୍ଜା ଆଲ୍ □

୯ ଅଡେ ମସାତି ମେରା ମାନୁଞ୍ଜି ଆହ୍ନା ତୀରିଗାଟାଣି ମେଡା ଆଆନା, ଏନିକ୍ ନାନୁ କ୍ରୀସ୍ତ ତାଣା ନାମିନି ତାଣାଟି ମାହାପୁରୁ ହୀହାମାଞ୍ଜାନି ନାମୁତି ତୀରିଗାଟାଣି ମେଡାଆଲ୍,

୧୦ ଏନିକ୍ ନାନୁ ଏଞ୍ଜାଣାଲ୍ ତାନି ଖେଣ୍ଡେ ନିଞ୍ଜିତି ବାଡୁୟୁ ଇଞ୍ଜା ଏଞ୍ଜାଣି ହାକିତା ଏଞ୍ଜାଣିଲେହେଁ ଦୁକୁ କସ୍ତା ଆଣ୍ଡିନାଣି ପୁଞ୍ଜାଲି ଆଡିଲ୍,

୧୧ ଏଦାଣିତାକି ହାଡାରି ତାଣାଟି ନାଞ୍ଜେ ନିକ୍ହାନେସି ଇଞ୍ଜା ଆସା କିହିମାଲ୍ □

ଗୁରି ଇଟାମାନି ଟାୟୁତା ହଣ୍ଡନାୟି

୧୨ ନାନୁ ନୀଏ ଏ ବାରେ ବେଟାଆହାମାଲ୍ ଇଞ୍ଜା ନେହାତେଏ ଆହାମାଲ୍, ଏଦି ଆଏ, ସାମା କ୍ରୀସ୍ତ ଜୀସୁ ତାଣାଟି ଆବୁଞ୍ଜି ଆହାମାନାକି ଏଦାଆ ଆସାଲି ହଟିମାଲ୍ □

✨ ୩:୫ ୩:୫ ରମି ୧୧:୧; କାମା ୨୩:୨; ୨୬:୫ ✨ ୩:୬ ୩:୬ କାମା ୮:୩; ୨୨:୪; ୨୬:୯-୧୧

୧୩ ନା ତାୟି ଅଡ଼େ ତାଙ୍ଗିୟା ନାନୁ ନୀଏଁ ପାତେକା ଆସାମାଲ୍
ଇଞ୍ଜି ଅଣ୍ଡି ହିଲଅଁ, ସାମା ନାନୁ ର କାମା କିହିମାଲ୍, ଇଚିହି
ତାୟୁ ମାନି ବାରେ କାତା ହେକ କିହାନା ନକିତା ମାନାଣି ମେସାନା
ହଚିମାଲ୍,

୧୪ କ୍ରୀସ୍ତ ଜୀସୁ ସାୟେମି ତଲେ ଏମିନି ଲାକପୁରୁତି ବେଟାଆହାଲି
ତାକି ମାହାପୁରୁ ନାଙ୍ଗେ ହାଟାମାଞ୍ଜାନେସି ଏ ଦାନା ବେଟାଆହାଲି
ତାକି ଗୁରି କିହାମାନି ଟାୟୁ ଝାକି ଜୀସୁ ତୁସାନା ହଚିମାଲ୍ □

୧୫ ଏଦାଆଁତାକି ଝାଦୁ, ମାର ଏତେକା ଲକୁ ଚିକାଣା ଗାଟାତାୟି,
ଇଲେତି ମନତଲେ ଅଣ୍ଡିପିନ, ସାମା ଏ ବାରେ କାତାତାକି ମୀ
ଏଟକାତି ଅଣ୍ଡିପୁ ମାଚିହିଁ, ଆତିହିଁ ଇଦାଆଁ ଜିକେଏ ମାହାପୁରୁ
ମୀ ନକିତା ପୁଣ୍ଡି କିୟାନେସି;

୧୬ ନୀଞ୍ଜୁପାତେକା ମାର ଏମିନି ମେରା ମାନୁଝି ଆହାନା
ଝାହାମାନାୟି, ଏଲେକିହିଁ ଏ ନକିତା ହାଜାଅନୁ □

୧୭ ☆ତାୟି ତାଙ୍ଗିୟା ମୀରୁ ବାରେ ଆଣୁଝି ଆହାନା ନା ଲେହେଁକି
ତାକାଦୁ, ଇଞ୍ଜା ମା ତାଣା ଏମିନି ତୀରିଗାଟାଣି ମେସିମାଞ୍ଜେରି ଇଞ୍ଜା
ଆମିନି ଗାଟାରି ଏଲେକିହିଁ ତାକିନେରି ଏଝାରାଇଁ ସିନିକିଦୁ □

୧୮ ଇଚିହିଁ ହାରେକା ଇଲେକିଁ ମାନେରି, ଆମ୍ବାଆରି ମାଣକିତି
କାତା ଅଲେ ଅଲେ ମିଙ୍ଗେ ଝେସାମାଞ୍ଜାଇଁ, ଇଞ୍ଜା ନୀଏଁ ଜିକେଏ
ମିଙ୍ଗେ ଡାହି ଡାହିଁ ଝେସିମାଞ୍ଜାଇଁ, ଏଝାରି ବାରେ କ୍ରୀସ୍ତତି ପାସି
ମୁଣ୍ଡାତି ସାତୁ ଆହାମାନେରି;

୧୯ ଏଝାରି ବାରେ ନକିତା ନାସା ଆନାରି, ଆଙ୍ଗାତି ଅଣ୍ଡିପୁ ଏଝାରି
ମାହାପୁରୁ, ଏନାୟି ଲାଜାଗାଟାୟି ଏଦାଆଁତାକି ଏଝାରି ବଡପଣ
କିନେରି, ଇଞ୍ଜା ଦାର୍ଡି ତାଣି ବାରେ ଅଣ୍ଡିପେ ମାନେରି □

୨୦ ମାର ବାରେ ଲାକପୁରୁତି ଲକୁତାୟି, ଇଞ୍ଜା ଏମ୍ବାଟି ଜିକେଏ
ମାଙ୍ଗେ ଗେଲପାନି ପ୍ରୁ ଜୀସୁ କ୍ରୀସ୍ତତି ଝେଣ୍ଡେ ଝାନାଣି କାଡିମାନମି;

୨୧ ଏଝାସି ତାନି ଏମିନି କାମା କିନି ବାଡ଼ୟୁତି ବାରେତି ତାନି ତାଣା
ଇଟାଲି ଆଡିମାନେସି, ଏମ୍ବାଟି ମା ବାଡ଼ୟୁ ହିଲାଆଗାଟି ଆଙ୍ଗାତି
ତୀରି ମୁଞ୍ଚହାନା ତାନି ଗାଝୁରମିଗାଟି ଆଙ୍ଗା ଲେହେଁ କିୟାନେସି □

୪

ହୁକୁମି ହୀନାୟି

୧ ଏଦାଆଁତାକି ଏ ନା ଜୀଝୁତି ତାୟି ତାଙ୍ଗିସ୍ତା । ମିଙ୍ଗେତାକି ନାଙ୍ଗେ ଏତେକା ରାହାଁତି ଟପେରି ଲେହେଁ । ନାନୁ ଜାପହାତି ଲେହେଁ ପ୍ରବୁ ତାଣା ତୀରିଆହାଁ ନୀତାବାଡକାଦୁ ।

୨ ପ୍ରବୁ ତାଣା ରଣ୍ଡିଏ ଅଣ୍ଡପୁ ତଲେ ମାଞ୍ଜାଲି ଇୟଦିୟା ଅଡେ ସୁନ୍ତକୁ ରିଣ୍ଡାସିକାଣି ବାତିମାଲିମାଲ୍ ।

୩ ନା କାମାତା ଆଣ୍ଡାନା ମାନି ତଲେ କାମା କିନାତି, ନିଙ୍ଗେ ଜିକେଏ ବାତିମାଲିମାଞ୍ଜାଲ୍ ଇ ରୀ ତାଙ୍ଗିସ୍ତାଣି ସାୟେମି କିମ୍ପୁ, ଏନାଆଁତାକି ଇତିହେଁ କ୍ଲେମେନ୍ସ ଅଡେ ନା ତଲେ କାମାକିନାରି ତଲେ ନେହେଁ କାରୁ ଝେକହାଲି ନା ତଲେ କାମା କିହାମାନୁ; ଇଞ୍ଜା ନା ତଲେ କାମା କିହାମାନାରି ଦରୁକା ଜୀଝୁତି ପତିତା ରାସ୍ତକି ଆହାମାନୁ ।

୪ ପ୍ରବୁ ତାଣା ଆଣ୍ଡାନା କାରେଏ ରାହାଁ କିଦୁ, ଅଡେ ଝେଣ୍ଡେ ଝେସିମାଞ୍ଜାଲ୍ ରାହାଁ କିଦୁ ।

୫ ବାରେ ଲକୁ ନକିତା ମୀ ସୁଦୁ ସୁଝାଲା ଅଣ୍ଡପୁ ତଞ୍ଜା ଆପେ । ପ୍ରବୁ ଖାନାୟି ତାଗେ ଖାଡେୟିଏ ।

୬ ଏନାଆଁତାକି ଜିକେଏ ଅଣ୍ଡପାଆଦୁ, ସାମା ବାରେତାକି ପ୍ରାଡାନା ଇଞ୍ଜା ଜହରା ତଲେ ମୀ ଲଡାମାନାଣି ମାହାପୁରୁ ନକିତା ଝେହ୍ଦୁ ।

୭ ଏଚେଟିଏ ତେଲହାଲି ଆଡାଆଗାଟି ମାହାପୁରୁତି ହିଡଡି ମୀ ହିୟାଁ ଅଡେ ଅଣ୍ଡପୁତା କ୍ରୀସ୍ତ ଜୀସୁ ସାୟେମି ତଲେ ଗେଲ୍ପାନା ଇଟାନେସି ।

୮ ଏ ତାୟି ତାଙ୍ଗିସ୍ତା, ଏନାୟି ନେହାୟି, ଏନାୟି ସାତା, ଏନାୟି ଲଡା ମାନାୟି, ଏନାୟି ଟିକାଣାତାୟି, ଏନା ଏନାୟି ଅତିତାୟି, ଏନାୟି ଜୀଝୁନନାୟି, ଏନାୟି ମନ କିତି ରାନ୍ଦା, ଏନାୟି ଜୀଝୁତା ନେହାୟି, ଏନାୟି ସାତା ଗୁଣୁ ମାନେ ଏ ବାରେ କାତା ଅଣ୍ଡପେମାଞ୍ଜୁ ।

୯ ମୀରୁ ନା ତାଣାଟି ଏନାଆଁ ଜାପାମାଞ୍ଜେରି, ଝେଞ୍ଜାମାଞ୍ଜେରି, ଇଞ୍ଜା ନା ତାଣାଟି ମେସାମାଞ୍ଜେରି ଏ ବାରେ କିଦୁ; ଏମ୍ପାଆଁ ହିଡଡି ହିୟାନି ମାହାପୁରୁ ମୀ ତଲେ ସାୟେମି ଆୟାନେସି ।

ଦାନା ତାକି ଜହରା

୧୦ ବାରେଡି ତାୟୁ ନା ତାକି ମୀ ଅଣ୍ଠୁ ତଞ୍ଜା ଆହାମାନେ, ଏଦାଆଁତାକି ପ୍ରବୁ ତାଣା ରାହାଁ କିହିମାଇଁ; ସାତେଏ ନା ତାକି ମୀ ଅଣ୍ଠୁ ମାତେ, ସାମା ପାରୁ ମେଡ଼ା ଆହି ହିଲାଆତେରି □

୧୧ ନାଙ୍ଗେ ଏନାୟି ଉଣା ମାନାକି ଖେସିମାଞ୍ଜଅଁ, ଏନାଆଁତାକି ଇଚିହଁ ନାନୁ ଏନିଆହଁ ମାଚିହଁ ଜିକେଏ ରାହାଁତଲେ ମାଞ୍ଜାଲି ଜାପାମାଇଁ □

୧୨ ନାନୁ ହିଲାଆ ବେଲାତା ବାଡ଼କାଲି ଇଞ୍ଜା ହାରେପୁରେ ମାନି ବେଲାତା ଜିକେଏ ବାଡ଼କାଲି ପୁଞ୍ଜାମାଇଁ, ବାରେବେଲା ବାରେଖାକି ରାହାଁତଲେ ମାଞ୍ଜାଲି, ବାଣ୍ଡି ପାଞ୍ଜେ ତିଞ୍ଜାନା ଅଡ଼େ ହାକିଚି ଜିକେଏ ମାଞ୍ଜାଲି, ଇଞ୍ଜା ହାରେକା ବେଟାଆହାମାନାଣି ଲେମ୍ବାଲି ଇଞ୍ଜା ହିଲାଆ ବେଲାତା ନୀତାଲି ଜିକେଏ ଜାପାମାଇଁ □

୧୩ ନାଙ୍ଗେ ବାଡ଼ୟୁ ହିୟାନି କ୍ରୀସ୍ତ ତାଣାଚି ବାରେ କିହାଲି ଆଡ଼ିଇଁ □

୧୪ ଆଡ଼ିଜିକେଏ ମୀରୁ ନା କସ୍ତା ଆଣ୍ଡାମାନାକି ନେହଁ କାମା କିହାମାଞ୍ଜେରି □

୧୫ ପିଲିପିୟ ଲକୁତେରି, ମୀରୁ ଜିକେଏ ପୁଞ୍ଜାମାଞ୍ଜେରି, ନେହଁ କାରୁ ଝେକ୍‌ହାଲି ମାଟ୍‌ହି ବେଲାତା ଏଡ଼େତା ନାନୁ ମାକିଦନିୟାଚି ହାଚାଚି ଏଚିବେଲା ମୀ ପିସ୍‌ପେ ଏମିନି କୁଲମି ନା ତଲେ ଆଣ୍ଡାନା ନା ତାଣାଚି ହୀନାଣି ଅନାଣି ଲେକା ଇଟାହିଲାଆତେରି □

୧୬ ✠✠ଇଚିହଁ ନାନୁ ତେସଲନିକିତା ମାଚିବେଲାତା ଜିକେଏ ମୀରୁ ନା ଲଡ଼ା ମାଚାଣି ମେସାନା ହାରେକା ଦେବା ଦାନା ପାଣ୍ଡୁତେରି □

୧୭ ନାନୁ ମୀ ତାଣାଚି ଦାନା ଅହାଲି ଅଣ୍ଠପି ହିଲଅଁ, ସାମା ଏମିନି ପାଡ଼େୟିଚି ମୀ ଲେକା ହାଚୁରେ ହାରେକା ପାତାଆହିମାନେ, ଏଦାଆଁତି ନାନୁ ମେସାଲି ଅଣ୍ଠପିମାଇଁ □

୧୮ ନାନୁ ବାରେ ବେଟାଆହାମାଇଁ, ଇଞ୍ଜା ନାଙ୍ଗେ ହାରେପୁରେ ମାନେ; ମୀ ତାଣାଚି ପାଣ୍ଡାମାଞ୍ଜାନାଣି ବାରେ ଏପାପୁଦିତ ତାଣାଚି

ବେଟାଆହାମାଙ୍କୁ, ଏ ବାରେ ନାଜେତାକି ସାରି; ଏ ବାରେ ମାହାପୁରୁ ନକିତା ହେରପାନା ହୁଡ଼ିମାନି ଗାନ୍ଧାଗାଟି ଦୁପୁଣି ଲେହେଁତାୟି □

^{୧୯} ଅଡ଼େ ନା ମାହାପୁରୁ କ୍ରୀସ୍ତ ଜୀସୁ ତାଣା ତାନି ଗାଝୁରମି ଦନଟି ମୀ ଲଡ଼ାମାନାଣି ହିୟାନେସି □

^{୨୦} ମା ଆବା ମାହାପୁରୁକି କାଲାକାଲାତାକି ଗାଝୁରମି ଆପେ □ ଆମେନ୍ □

ଜହରା କିହାନା ଆକୁତି ରାପ୍ନାୟି

^{୨୧} କ୍ରୀସ୍ତ ଜୀସୁ ଦରୁତଲେ ବାରେ ମାହାପୁରୁ ଲକୁଙ୍କୁ ଜହରା ଝେହ୍ଦୁ, ନା ତଲେ ଇ ଟାୟୁତା ମାନି ତାୟି ତାଙ୍ଗିସ୍ତା ମିଙ୍ଗେ ଜହରା ପାଣ୍ଡିମାଞ୍ଜାନେରି □

^{୨୨} ବାରେ ମାହାପୁରୁ ଲକୁ ଇଚିହ୍ନ ବାରେକିହ୍ନା କାୟିସର ଇଲୁତା ମାନାରି ଏଝାରି ମିଙ୍ଗେ ଜହରା ପାଣ୍ଡିମାଞ୍ଜାନେରି □

^{୨୩} ପ୍ରବୁ ଜୀସୁ କ୍ରୀସ୍ତ କାର୍ମାମେହ୍ନାୟି ମୀ ବାରେ ଜୀଝୁତା ମାଣ୍ଡେମ୍ବେ □

ପୁସ୍ତକ ଶିକ୍ଷା

The New Testament the Kusaal language (Ghana)

copyright © 1996 Wycliffe Bible Translators, Inc.

Language: Kusaal (Kuvi)

Contributor: Wycliffe Bible Translators, Inc.

ପୁସ୍ତକ ଶିକ୍ଷା,

କୁସାଲ ପୁସ୍ତକ ଶିକ୍ଷା, 2020

The New Testament in Kuvi Language

The Word for the World International

All rights reserved.

2025-05-08

PDF generated using Haiola and XeLaTeX on 8 May 2025 from source files

dated 8 May 2025

c688c8bf-38ac-5c00-90bd-6e4eaa165a20